

Starfshópur um skattalegt umhverfi þriðja geirans

Efni : Umsögn KSÍ um skattaumhverfi þriðja geirans

Knattspyrnu- og íþróttahreyfingin í heild sinni gegnir mikilvægu uppeldis- og forvarnarstarfi í þágu almannaheilla. Hreyfingin er aðallega borin uppi af sjálfbóðaliðum sem vinna mikið og óeigingjarnt starf. Rekstrarumhverfi íþróttafélaga er oft á tíðum erfitt og ótryggt þar sem stór hluti rekstartekna kemur frá styrktaraðilum á einn eða annan hátt. Það er á ábyrgð sjálfbóðaliðanna á hverjum tíma fyrir sig að leita til einstaklinga og/eða fyrirtæki með styrkveitingar. Undanfarin ár hefur þessi fjáröflun reynst erfiðari og fyrirtæki sérstaklega haldið að sér höndum og styrkveitingar þeirra dregist saman. Með því að gera breytingar á skattalöggjöfinni í þá veru að það sé hvetjandi að styðja við bakið á jafn mikilvægri samfélagslegri starfsemi sem íþróttafélögin sinna, myndi rekstrarumhverfið taka miklum breytingum til batnaðar sem ætti að tryggja og efla starfsemina í þágu almennings. Ljóst er að samfélagslegt gildi íþróttanna hefur sjaldan eða aldrei verið meira en nú á tímum og þá sérstaklega fyrir okkar yngstu kynslóðir.

Einnig er nauðsynlegt í þessu sambandi að huga að hvernig hjálpa megi við uppbyggingu íþróttamannvirkja.

Hér koma nokkrar tillögur sem við teljum að efla muni rekstrarumhverfi íþróttafélaga

- Skattafrádráttur til aðila sem veita gjafir/styrki til þriðja geirans
 - o Einstaklingar utan atvinnurekstrar sem styrkja starfsemi sem fellur undir þriðja geirann með fjárframlögum njóti skattafrádráttar sem samsvarar upphæð gjafar.
 - o Lögaðilar sem styrkja starfsemi sem fellur undir þriðja geirann með fjárframlögum njóti skattafrádráttar sem samsvarar upphæð gjafar, en þó með skilgreindu þaki (hámarki sem miðast við fjárhæð, fjölda ára eða hlutfall af skattgreiðslum).
- Þriðji geirinn njóti fullrar undanþágu frá fjármagnstekjuskatti og erfðafjárskatti.
- Endurgreiðsla á virðisaukaskatti
 - o Þriðji geirinn eigi rétt á endurgreiðslu virðisaukaskatts á aðkeypta þjónustu sem tengist undanþeginni starfsemi.
 - o Þriðji geirinn eigi rétt á endurgreiðslu virðisaukaskatts vegna byggingarframkvæmda og viðhalds mannvirkja. Þetta er gríðarlega mikilvægt fyrir uppbyggingu íþróttamannvirkja um land allt. Nauðsynlegt er að þetta nái til framkvæmda sem að sveitarfélögin styrkja.

Í ofangreindum tillögum er vitaskuld gert ráð fyrir að sú starfsemi þriðja geirans sem nýtur fjárframlaga eða undanþágu frá skattgreiðslum sé skilgreind með lögum eða öðrum reglum sem starfsemi í almannaðágu, sé á hendi aðila sem getur þegið gjafir og sé skýrlega aðgreind annarskonar starfsemi eða rekstri.

Það er von okkar sem störfum innan knattspyrnuhreyfingarinnar að vinna starfshópsins muni skila niðurstöðum sem á endanum muni efla starfsemi íþróttahreyfingarinnar og leiða til traustara rekstrarumhverfis hennar.

f.h. stjórnar KSÍ

A handwritten signature in black ink, appearing to be 'Guðni Bergsson', with a stylized flourish at the end.

Guðni Bergsson formaður KSÍ